

الأسفار الحكيمة

أيوب

ثِقْ في حكمة ربنا حتى لو متألم و مش فاهم

السفر ده بيكشف لنا عن السؤال الصعب عن علاقة الله بمعاناة الإنسان. بيعلمنا حتى لو إحنا في أحيان كتير مش فاهمين سبب التجربة و المعاناة، دايمًا نقدر نروح لربنا بحزننا و ألمنا .. و كلنا ثقة إنه بيعمل لخيرنا. ماتدورّش على سبب التجربة و انت فيها لأنك غالباً مش هاتفهم .. دور على ربنا و صلّي و قل له: يا رب ماذا تريد أن أفعل؟ أنا موجدوع جداً و لكن عندي ثقة فيك و في حكمتك و في النهاية السعيدة

ليه ندرس عهد قديم؟

"فتشوا الكتب لأنكم تظنون أن لكم فيها حياة أبدية. وهي التي تشهد لي"

وصية واضحة من ربنا لدراسة العهد القديم (تلتين الكتاب المقدس) ...

1. مانقدرش نستوعب العهد الجديد صح غير من خلال نبوات و أحداث العهد القديم
2. ربنا هو هو أمس و اليوم ... و كذلك الإنسان ... العهد القديم غني جداً في شرح معاملات ربنا مع الإنسان بطريقة تخلينا نفهم ربنا
3. الكلام ده اكتب عشاننا (الوعود و الوصايا لا تتغير) ... ربنا كمل لنا (لم آت لأنقض بل لأكمل)

i عن السفر





الصورة من موقع rainbowtoken

عدد الإصحاحات: 42

? ظروف السفر: ده سفر خاص جداً في الكتاب المقدس .. كأنه بيحكى قصة عايزنا نركّز فيها مهما كان الزمن أو المكان أو الظروف بتاعتنا .. نركّز في القصة و الأسئلة الصعبة اللي فيها

- تدور أحداثه في أرض (عوص) اللي هي مديان
- بالتالي (أيوب) مش من أولاد إبراهيم
- كاتب السفر (موسى النبي بروح النبوة لمّا راح مديان، أو أيوب نفسه) لم يذكر زمن الأحداث .. الآباء بيقلولوا إن زمن السفر هو زمن يعقوب ابن اسحق بن إبراهيم

نتعلّم إيه من السفر: ✓

- بيحكى قصة هاتعدّي علينا كلنا: الألم في حياة ولاد ربنا .. لماذا الألم؟
- ما أبعد أحكامه عن الفحص .. مافيش إجابة دقيقة 100% للسؤال ده عند الناس .. ببساطة: الله أعلم (دي إجابة أليهو الشاب في آخر الحوار)
- كل الأشياء تعمل معاً للخير للذين يحبون الله .. ده هدف السفر و الإجابة المثالية زي ما بنشوف في آخر إصحاح
- قد يكون الهدف من الألم:

1. التأديب (من أب لأولاده)

2. تغيير الاتجاه (التوبة)

3. تشكيل الإنسان (عجينة يخرج منها إناء مختار)

4. الإحساس بالناس اللي بتعاني و عمل الرحمة معهم

5. التنقية (دي تنطبق على سفر أيوب اللي رغم برّه كان بارّ في عيني نفسه)

○ بيقدّم لنا آلام ربنا يسوع بشكل رمزي (في شخصية أيوب) و نبوّات عنها .. عشان كده بنقراه في أربعاء البسخة

○ بيورّينا ردود أفعالنا في التجارب:

■ قبول التجربة (ده اللي عمله أيوب في الأول)

■ التساؤل: ليه بيحصل لي كده؟

■ الاعتراض

■ الشك

■ التذمّر

■ التعب بسبب الآخرين (أصدقاء أيوب تعبوه)

■ الاعتراف بخطيتي و جهلي

■ التسليم و الشكر لله (ده ردّ الفعل المثالي)

🔑 مفاتيح فهم السفر:

○ ده أول أسفار الحكمة في الكتاب المقدس .. أسفار الحكمة أسفار عميقة شعرية فيها تشبيهات كثيرة و محتاجة تأني في القراءة

○ السفر قائم على الحوار بين الشخصيات (الله و الشيطان و أيوب و أصحابه و زوجته)

☰ ترتيب السفر

السفر يبدأ بمشهد من قاعة محكمة، فيها الشيطان (المُدَّعي) بيّتهم ربنا إنه بيحابي و يكافئ الناس الأبرار بدون سبب. بيقول لربنا إن أيوب بيّفيه بس لأن ربنا وهبه كل النعم. و بيقول: لو أيوب ده عانى شوية، هاتشوف شخصيته الحقيقية.

باقي السفر عبارة عن قطعة شعرية يهودية قوية و دسمة، فيها أيوب و زوجته و أصحابه بيحاولوا يفهموا سبب تجربته. مش هو إنسان بار؟ ليه ربنا يسمح بكده؟ أيوب بيوصل إنه يشكّ في عدل الله و يطلب من ربنا يفهمه. و يرّدّ عليه.

ربنا بيردّ على أيوب بجولة في الكون بكل الجمال و الشر اللي فيه. و يفهمه إن التجربة مش ببساطة تتفسّر إنها ثواب أو عقاب. ربنا حكمته عالية جداً و مانقدرش نفهمها (زي ما إحنا مش فاهمين الكون).

إصحاح 1 و 2

التجربة



أحداث القصة: غنى أيوب و تجربته و شكوى الشيطان عليه

إصحاح 3 ل 37

الحيرة



حوار أيوب مع أصحابه لمحاولة تفسير ما يحدث له

إصحاح 38 ل 41

الإجابة



إجابة ربنا على أيوب

إصحاح 42

النهاية



النهاية السعيدة للأحداث و عودة كل ما فقده أيوب



ملخص السفر

1: التجربة

إصحاح 1 و 2



شيطان - اسم (بالعبرية) المشتكي، المَدعي

لماذا؟
نفترض أنّ هذا السفر سيقدّم إلينا
إجابة عن سبب سماح الله بالمعاناة.

لا يقدمها...

لكنّه:

الأسئلة التي لا تقاها قلبها، الله وحده يعرفها



الصورة من موقع Bible Project

• إصحاح 1 أيوب يخسر ما لديه:

- في البداية الكتاب يقدّم لنا أيوب كشخص بار و كامل و مستقيم و يُثقي الله .. كما كان راجل غني جداً و عنده خير و أولاد و خدام كثير جداً .. رجل مثالي و بيت مثالي

- و ينتقل المشهد للسماء و بنشوف ربنا كأنه قاضي بيحكم و الشيطان هو المُدَّعي أو المشتكي
- ربنا بيقدم قضية أيوب كشخص بار و بلا لوم .. و الشيطان بيقول لربنا: هو لو كل واحد اتَّقاك كافأته كده أكيد الناس هاتتقيك .. امنع بَرَكَّتكَ عنه و شوف البار ده هايعمل إيه
- و حاجة غريبة جداً: ربنا بيوافق و بيقول للشيطان ماشي بس لا تمدَّ يدك عليه .. و طول السفر هانستنى إجابة واضحة و صريحة للسؤال ده: إيه يا رب تسمح بالألم؟ و مش هانلاقي إجابة صريحة .. لكن في الآخر هانفهم أكثر عن عدل و رحمة الله
- و بتبدأ معاناة أيوب اللي فجأة في دقائق قليلة بيجيله خبر فقدان كل ما كان له من ماشية و غلمان و أولاد و بنات بحوادث و غارات عجيبة و مفاجأة

● إصحاح 2 مرض أيوب:

- الشيطان يقول لربنا إن أيوب أول ما يجيله هو حاجة هايجدّف عليه ... و ربنا بيسمح للشيطان إنه يجزّب أيوب بالمرض
- و فعلاً جاله مرض صعب جداً: قُرحة في جسمه .. لدرجة إن زوجته قالت له: بارك الله و مُت لكن أيوب بقي متمسك بربنا و لم يجدّف عليه .. قبل التجربة رغم صعوبتها من يد ربنا
- بعد كده جه أصدقاء أيوب زاروه بعد ما عرفوا اللي حصل له. في الأول كانوا ساكتين و بكوا معه (و ده أفضل ما فعلوا)
- بعد كده اتكلموا معه ... و كلام الـ 3 أصدقاء يمثلّ الحكمة القديمة في الشرق و طريقة التفكير في التجارب و في ربنا زي ما هانشوف: العبادة الشكلية الجافة، أو المنطق البشري، أو الحكمة المتوارثة و الأمثال

هل مجّاناً يتّقي أيوب الله؟

أيوب 1 : 9

ده كلام الشيطان لربنا و هو بيشتكي على أيوب .. و الإجابة من ردّ فعل أيوب المثالي كانت: آه طبعاً

لكن ده سؤال مهم جداً إن كل واحد فينا يسأله لنفسه: هل أنا باتّقي ربنا عشان عايز خير في الأرض و بركة؟ ولا زي ما بتقول الترنيمة: إني أحب الرب لا لأربح النعيم ولا لكي أنجو من العذاب في الجحيم .. لكن أحبه لأن لي حبه يخلو .. و هو الذي من فضله أحبّني قبل

أالخير نقبل من عند الله، والشر لا نقبل؟

أيوب 2 : 10

- 💡 ده كلام أيوب لزوجه في عزّ تجربته لقا هي كمان اتكلمت معاه بمرارة
- 💡 طبعاً الشر هنا معناها التجربة و الألم، مش الخطية
- 💡 أيوب لحد هنا كان ردّ فعله مثالي .. رغم الكآبة و المرض الصعب و فقدان الخير و الأحباء لم يجدّف على الله بل قبل التجربة بصبر و شكر

نتعلّم إيه؟

ربنا عارف كويس و وازن كويس جداً تجربة كل واحد من ولاده على قدّه .. أي تجربة من ربنا
نقدر بنعمة ربنا نعدّيها

🙏 يا رب مهما ضاقت بي الأمور خلّيني أفكر إن انت ضابط الكل .. كل شيء بسماح منك
للخير

2: الحيرة

إصحاح 3 ل 37




الصورة من موقع Bible Project

إصحاح 3

أيوب

يا ريتني ما كنت اتولدت! ليه يا رب بتعطي حياة لواحد و بعدين
تعطيه فيها شقاء كده! كان أحسن له لو لم يولد





إصحاح 4 و 5

أليفاز التيماني

يا أيوب مش انت دائماً بتتكلم زي الأتقياء و تعزّي اللي تحت
التجارب؟ لِمَا ربنا يجزّبك انت هاتنسى كلامك و تقواك؟
ماترفّضش تأديب ربنا لأنه يجرح و يعصب، يسحق و يداه تشفيان ..
طلي بدل ما تخاصم ربنا

إصحاح 6 و 7

أيوب

و انتم يا أصدقائي مش عارفين قد إيه تجربتي قاسية رغم إني
ماعمّلتش حاجة غلط و لم أجحد الله .. كل اللي عايزه بس إني
أموت و ينتهي عذابي
أنا مابقاش فيه لحظة راحة قي حياتي .. يا رب حتى لو عملت حاجة
غلط ليه بتعاقبني كده و مش بتسامحني!



إصحاح 8

بلد الشوحي


يا أيوب ولادك يستاهلوا اللي حصل لهم لأنهم أخطأوا لربنا .. انت
كمان تُب لربنا و حالك هاتصلح و العقاب هاتشال من عليك .. ربنا
بيكافئ الأبرار و يعاقب الأشرار



إصحاح 9 و 10

أيوب

أنا كامل و بار لكن رغم كده بيحصل لي كده! في الآخر البار زيه زي
الشرير و عقابهم واحد .. يا ريت كان فيه حد مصالح بيني و بين ربنا
(نبوة واضحة عن السيد المسيح)
يا ريت حد يفهمني هو بيعمل فيّ كده ليه و مصطقمصدي ليه!
طيب ماكانش خلّقي من الأول



صوفر النعماتي


إصحاح 11



ده ربنا بيعاقبك أقل من إثمك! بطل تتكلم كأنك أحكم من ربنا، و
تُب عشان الظلام اللي انت فيه يتحول صباحاً و يكون لك رجاء

إصحاح 12 ل 14

أيوب



أنا عارف إن ربنا ضابط الكل و كُلي القدرة، ماتكلمونيش كأنكم
أحكم و أحسن مني!
يا ريتكم تسكتوا خالص بدل ما انتم بتقولوا أي كلام محفوظ من
غير إحساس كأنكم بتحابوا لربنا و ماحدش بيجاوبني: يا رب أنا
عملت إيه غلط أستاهل عليه كل ده؟!
في الآخر الحياة هي أيام قليلة كلها شقاء و آخرها موت على البار
و الشرير (ال2 زي بعض)! و رحمة ربنا إنه يقصر حياتي زي الأجير
اللي بيقضي فترة عقاب و بعدين يرتاح خالص

أليفاز التيماني


إصحاح 15



كلامك يا أيوب مافيهوش أي حكمة .. مافيش إنسان يقدر يتزكى
قدام ربنا و يردّ عليه و يتهمه كده .. و الشرير مش زي البار بل
الشرير بيعيش أيامه كلها في خوف و عدم سلام

إصحاح 16 و 17

أيوب



انتم مُتعبين و بتقولوا كلام محفوظ من غير ما تحسّوا بي أو
تحطوا نفسكم مكاني .. كلامكم مش بيعزّيني و ماحدش فيكم
عارف يجاوبني
و بيشرح أيوب آلامه اللي فيها نبوات عن السيد المسيح زي (فَعَرُوا
عليّ أفواههم. لطموني على فكيّ تعبيراً)



إصحاح 18

بلد الشوي

يا أيوب ربنا بيعاقب الأشرار فقط!

إصحاح 19

أيوب



ده غير الآلام الجسدية فيه آلام نفسية صعبة جداً .. كلامكم
المُتَعَب و نسيان قرايبي ليّ و احتقار عبيدي ليّ .. حتى زوجتي
أصبحت تكره رائحتي .. خلّي عندكم انتم رحمة يا أصحابي
و بعدين رجاء رائع من أيوب في القيامة

إصحاح 20


صوفر النعماتي



الأشرار هم اللي فرحتهم في الدنيا مش كاملة لأن ربنا بيردّ
عليهم ظلمهم و يعاقبهم

إصحاح 21

أيوب



و كلامكم غلط: الأشرار بيعيشوا عادي مرتاحين و مبسوطين .. ربنا
يعاقبهم و يذريهم كالريح في الآخر، لكن البار و الشرير كلاهما
ييموت في الآخر .. العبرة في ما بعد الموت
و هنا أيوب مختار لسة من سبب تجربته لكن بيتكلم صح



إصحاح 22

أليفاز التيماني

انت أكيد عملت خطايا عظيمة و بتتعاقب عليها و لازم تتوب:
سلبت ثياب العراة و منعت خبزك عن الجائع و أرسلت الأراامل خاليات
طبعاً دي افتراءات لأن الكتاب شهد عن أيوب في أول أصحابين إنه
بار و يتقي الله

إصحاح 23 و 24

أيوب

أنا بار و لو وقفت قدام ربنا في محاكمة هاقدر أقنعه .. لم أبرح عن
أي وصية
و لو بصينا في الدنيا مش هانلاقي أي عدل .. ناس ظالمة و شريرة
ناجحة و مكفلة و ناس مظلومة و غلبانة مش عارفة تاخذ حقها
مع ضغط و كلام الأصدقاء الصعب زاد الإحساس الخاطيء عند أيوب
بالير الذاتي و إن ربنا ظلمه
طبعاً الظلم و الشر في الدنيا سببهم الإنسان مش الله، و الله
كقاضي عادل هابتدئ في الوقت الصح بحكمته .. لكن أيوب هنا
ضمنياً بيّتهم ربنا إنه مش بيقضي بالعدل في الدنيا



إصحاح 25

بلد الشوحي

مافيش إنسان يقدر يقف قدام ربنا كأي القدرة و الصلاح و يتبرّر
أبداً ولا يتزكى



إصحاح 26 ل 28

أيوب


أنا عارف عظمة و قدرة ربنا كويس جداً
و متمسك به و بكما لي .. مش هاغلط قي حق ربنا أبداً
ربنا مش بس كُلي القدرة، بل كُلي الحكمة كمان، و الإنسان مهما
عمل و اكتشف عمره ما هايوصل لحكمة ربنا .. و دور الإنسان إنه
يخاف الله و يبتعد عن الشر، بكده يكون إنسان حكيم و يبقى عنده
الحكمة ككنز أغلى من الذهب و الحجر الكريم
الجزء ده بنقراه في قراءات أسبوع الآلام



إصحاح 29 ل 31

أيوب

يا ربت ترجع أيامي زي ما كانت في خير و سعادة .. كان كل الناس
يحبوني و يحترموني و ربنا راضي عليّ .. و كنت أنا كمان بانقذ
المسكين و أعطف على اليتيم و الأرملة
هنا برضه أيوب بيربط الخير و العيشة المريحة اللي كان فيها بأفعال
البر بتاعته
أما دلوقتي بقيت مصدر رثاء للمحبين و شماتة للأشرار .. باصرخ
لربنا من الألم و هو مش بيستجيب
يا رب انت فوق الكل و شايف .. لو كنت أنا عملت أي حاجة غلط قُل
لي، لأن كل أفعالي بر .. جاوبني يا رب على كلامي و شهادتي



بعد كده في إصحاح 32 بيظهر (أليهو) .. صديق رابع شاب كان سايب الكبار يتكلموا لكن لا أيوب كان
بيتكلم صح ولا الأصدقاء الكبار .. فأليهو قرّر يتكلم

أليهو

إصحاح 33 ل 37



هدف التجربة هو التنقية .. مافيش إنسان بار أمام الله (زي ما انت
فاكر نفسك) . الله حكيم و رحيم و عادل .. و بينقّي الإنسان عشان
يتوب فيُرحّم بعد كده و يكون له رجاء في الأبدية السعيدة بدل ما
الكبرياء يضيّعه
الله عادل يا أيوب و مش هايغلط ولا يظلم في الحكم .. و حديثك
مع الله و عن الله بهذه الطريقة لا يليق

بَرَكَ أَوْ شَرَّكَ لَنْ يَنْفَعُ أَوْ يَضُرَّ اللَّهُ بَلْ هَايَعُودُ عَلَيْكَ أَنْتَ .. وَ فِي ضِيقَتِكَ اصْرُخْ إِلَى اللَّهِ بِالصَّلَاةِ وَ التَّفَتِ إِلَيْهِ بِدَلِّ مَا أَنْتَ مُرَكَّزٌ فِي آلَامِكَ (و ده هدف تاني للتجربة) .. رَبَّنَا مَطْوَلٌ بِأَلِهِ عَلَيْكَ لَكِنْ مَا تَفْضَلُشْ تَغْلُطُ فِي الْكَلَامِ
إِلْحَقْ نَفْسَكَ بِالتَّوْبَةِ يَا أَيُّوبُ وَ مَا تَتَكَلَّمُشْ زِي النَّاسِ الْأَشْرَارَ .. رَبَّنَا مَعَ قُدْرَتِهِ هُوَ عَادِلٌ وَ رَحِيمٌ وَ يَسْمَعُ صَلَاةَ الْمَسَاكِينِ وَ يَرْحَمُهُمْ خَافَ اللَّهُ يَا أَيُّوبُ! دَه مَجْدُهُ عَظِيمٌ جَدًّا

ملخص كلام أيوب إنه بريء و إن دَه مش عقاب من ربنا (و ده صح زي ما واضح من أول إصحاحين) لكن استنتاجه كان غلط: إن ربنا مش بيحكم في الأرض بالعدل .. أو إن ربنا مش عادل! و ده يوزِّينا الحُتة الغلط في أيوب إن رغم إنه بار و مستقيم إلا إنه شايف نفسه بار و شايف نفسه يستحق الخير من ربنا
أيوب كان في حالة صراع صعبة جدًّا: مش عارف يجمع بين فكرة إن ربنا عادل و إن هو بيحصل فيه كده .. مش قادر يقول على ربنا ظالم لكن مش قادر يشوف عدل في اللي بيحصل له أو سبب

ملخص كلام أصدقاء أيوب إن ربنا عادل و بالتالي أكيد بيحكم الأرض بالعدل .. و إن أكيد فيه مكافئة للأبرار و عقاب للأشْرار (و ده صح جدًّا) لكن استنتاجهم كان غلط: إن أكيد أيوب عمل خطية كبيرة جدًّا عشان يستحق عليها هذا العقاب! و ده يوزِّينا طريقة الحكم الخاطئة للبشر و الفهم الخاطئ للتجارب كلها كعقاب من الله و إن الأبرار حياتهم لازم تكون كلها سهلة و كلها خير بدون ضيقات

أليهو طَلَّعْ لأَيُّوبُ سَبَبِينَ لِلتَّجَرِبَةِ: التَّنْقِيَةُ مِنَ الْكِبْرِيَاءِ، وَ الْإِتِّكَالُ عَلَى اللَّهِ فَقَطْ
ملخص كلام أليهو إن ربنا عادل و بيحكم بالعدل في الأرض .. ماينفعش الإنسان يتَّهمه و يتكلم عنه بالباطل
أليهو هنا مش متأكد سبب تجربة أيوب إيه (و دي حدود الحكمة البشرية) لكن كان أحسن واحد اتكلم

كامل أنا. لا أبالي بنفسِي. رذلْتُ حياتِي. هي واحدة. لذلك قلتُ: إن الكامل و الشرير

هو يفتنيهما. إذا قُتل السوط بغتة، يستهزئ بتجربة الأبرياء.

أيوب 9 : 21 ل 23

- ☑ ده ملخص كلام أيوب و فيه معاني كثيرة
- ☑ المعنى الأول هو إحساسه بالبر الذاتي .. شايف نفسه كامل و مش غلطان
- ☑ المعنى الثاني إن ربنا مش عادل .. البار زيه زي الشرير ال 2 هايموتوا
- ☑ المعنى الثالث إن ربنا مش حاسس بتجربة الناس اللي تحت الألم و إنه القوي المهبوب البعيد عن البشر
- ☑ كل دي معاني غلط و نتيجة طبيعية للفهم الخاطئ للتجربة: إن التجربة فقط للأشرار كعقاب من الله لهم .. بينما الأبرار لازم حياتهم تبقى كلها خير و بدون ألم
- ☑ و فهم خاطئ لله و لعدله إن الثواب و العقاب في الدنيا: البار يعيش حياة سعيدة و الشرير حياة تعيسة
- ☑ و فهم خاطئ لله في الثقافات الشرقية وقتها: إنه إله متعالى لا يشعر بالناس ولا يبالي بهم
- ☑ طبعاً كل المفاهيم الغلط دي تحطمت تماماً في العهد الجديد و بان خطأها التام في السيد المسيح .. تعليمه عن مملكته اللي ليست من هذا العالم .. رحمته على الكل أبرار و أشرار .. صليبه اللي به أكمل حياة صعبة جداً كلها تجارب و آلام باختباره وحده

قد سمعتُ كثيراً مثل هذا. فُعَزُّون مُتَعَبُونَ كُلِّكُمْ! هل من نهاية لكلام فارغ؟ أو ماذا يهيجك حتى تجاوب؟

أيوب 16 : 2 و 3

- ☑ الواحد لما يبجي يعزِّي حد لازم يحسّ بيه و بآلامه .. ما أسهل إنك تقول كلام يبدو إنه كلام حكمة و انت مش حاسس خالص باللي قدامك .. ساعتها كلامك بيحسب نتيجة عكسية و يهيج المتألم أكثر و ممكن يوقّعه في زغل أكثر من ربنا

الإنسان مولود المرأة، قليل الأيام و شعبان تعباً ... فأقصر عنه ليسترخ، إلى أن يُسَرَّ كالأجير بانتهاء يومه ... أما الرجل فيموت و يبلى. الإنسان يسلم الروح، فأين هو؟

أيوب 14 : 1 و 6 و 10

- 💡 محاولة تفسير الألم أو الحياة كلها من غير فكرة القيامة تنتهي بفكر خاطئ كئيب جداً و متعب جداً

حسناً قال القديس بولس: إن كان لنا في هذه الحياة فقط رجاء في المسيح، فإننا أشقى جميع الناس.

أما أنا فقد علمت أن وليّ حي، و الآخر على الأرض يقوم، و بعد أن يفنى جلدي هذا، و بدون جسدي أرى الله. الذي أراه أنا لنفسي، و عيناى تنظران و ليس آخر. إلى ذلك تتوق كليتي في جوفي.

أيوب 19 : 25 ل 27

أحد أجمل بركات التجربة و العوامل المساعدة على احتمالها هي فكرة القيامة .. حياتنا كده كده ليها نهاية بكل الآلام اللي فيها، بعدها قيامة مجيدة نستمتع فسها بعشرة الله

نتعلم إيه؟

فهمنا و حكمتنا (إن الواحد لو كويس مع ربنا، ربنا هايكافئه بحياة سعيدة .. و العكس) فهم قاصر جداً .. إحنا بنحكم على ربنا و نتوقع منه حاجات هو ماقالاش عنها إطلاقاً

🙏 يا رب أنا بحكمتي الضعيفة مستحيل أفهم حكمتك العظيمة .. خليني لقا تجيلي أفكار بحكمة بشرية ضعيفة زي كده أستنى الإجابة منك انت .. بمنتهى الاتضاع و الصبر و الإيمان إنك هاتجاوبني في الوقت الصح و تفهمني إن كله للخير

3: الإجابة

إصحاح 38 ل 41

٣٨ - ٤١

[جولة افتراضية حول الكون]

الله

أين كنت
عندما أنشأت
الأرض؟
(٤:٣٨)

٣٨-٣٩

افتراض أيوب

عدل الله =



افتراض أعمق

يملك أيوب وجهة نظر
تؤخّله
أن يقول ذلك

الفكرة

إجابة الله

ليس لأيوب
منظور شامل

استنتاج

لا يمتق لأيوب
اتهام اللهسُتّر ظله
قيل أكاذيب


٤٠

أيوب

أمر معقد،
أليس كذلك؟

الله

لويثان



٤٠ ب - ٤١

اقرأ إشعياء ٢٧:١
ومزمور ٧٤:١٣ - ١٤رمز
الاضطراب و الفطر

بهيموث

ليس كاملاً
جامع
فطرحسن
منظم
جميلعالم
الله

إجابة

نميا في عالم رائع
لكنه ليس مُصمّما
لتفادي المعاناة

سؤال

لماذا توجد معاناة
في العالم؟لا يمتق لك أن
تدعي هذا

أنت غير عادل!

أدعوك لأن تثق
في كلمتيأطالب
بتفسير!

أيوب

الله

تجاوب الله

Bible Project الصورة من موقع

• إصحاح 38 و 39 الله يردّ على اتّهامات أيوب:

- ربنا في الإصحاح ده جه و كلم أيوب من عاصفة شديدة
- و سأله أسئلة بتبين عدم حكمة البشر في المقارنة مع الله ... الإنسان لا يعرف من أسرار الكون إلا أقل القليل من اللي ربنا بيكشفه له بينما ربنا هو اللي عنده كل أسرار الكون و كل تفاصيل الحياة
- و بالتالي ماينفعش الإنسان يشكك في حكمة أو عدل الله لأن حكمتنا و فهمنا محدود جداً .. ولا قوة لنا ولا هيبة أمام خالقنا

أيوب كان بيقيم ربنا نفسه من خلال حكمته البشرية المحدودة .. كأن عنده الحكمة و يقدر يحكم تصرف ربنا عادل ولا لأ
بينما الحقيقة إحنا حكمتنا و نظرتنا و فهمنا ضيق جداً و بالتالي ماينفعش نقيم ربنا أو نتهمه

• إصحاح 40 و 41 الله ضابط الكل القاضي العادل:

- بعد كده ربنا بيسأل أيوب و أصحابه: تحب انت تحير الكون من مقياسك للعدل و الثواب و العقاب؟
- طبعاً الموضوع مستحيل و فيه كمية تفاصيل و محتاج قدرة و حكمة لا يقترب منها أي بشري
- بعد كده ربنا بيدي مثالين ل2 من أخطر الحيوانات: البهيموث (حيوان مفترس قوي) و لويثان (تنين وحشي) .. دي حيوانات خطيرة و لازم الحذر منها
- يعني زي ما العالم فيه مخلوقات جميلة و مفيدة لينا، فيه كمان مخلوقات مفترسة وجودها ضروري لاستمرار المخلوقات الثانية
- و طبعاً بعض الآياء من منظور روي قالوا إن المخلوقات دي رمز للشيطان

ربنا ماجاوبش على سؤال أيوب (لماذا الألم) لكن شرح إن العالم معقد جداً علينا إننا نفهمه .. و إن ماحدش قال إن العالم مش مفروض يكون فيه ألم حتى يكون الله عادلاً .. حتى للأبرار يعني في الآخر ربنا قال لأيوب: انت يا أيوب ماعندكش حكمة و قدرة تحكم عليّ .. و مش هاتفهم كل حاجة أنا باعملها .. خلّي عندك إيمان و ثقة فيّ

(الله): اشدّ الآن حقّوك كرجل، فإنّي أسألك فتعلّمني

...

(أيوب): ها أنا حقير، فماذا أجابك؟ وضعت يدي على فمي.

أيوب 38 : 3 و 40 : 4

- كثير ما الواحد يقول كلام فارغ عن ربنا، و ربنا بطول أناته بيحتمل و ينتظر
- لكن لو الإنسان ماتابش لوحده بتيجي اللحظة المرعبة دي .. مخيف هو الوقوع في يديّ الله ..
- بيكتشف الإنسان إنه ضعيف جداً و قليل الحكمة جداً و خاطئ جداً
- يا بخت اللي دايماً بيفتكر اللحظة دي فيتعقّل في تفكيره و يوقن أن الله يدير كل شيء بحكمته و رحمته للخير
- أيوب فهم و تواضع أمام الله

نتعلّم إيه؟

- يا رب كل فم يستدّ أمام قوّتك و حكمتك .. إحنا ضعفاء جداً أمامك يا رب و لا نملك إطلاقاً بضعفنا ده إننا نحكم عليك
- يا رب خليني أفكر هذه اللحظة المهيبة اللي هاقف فيها أمامك بمجدك و بهاءك ..
- خليني أهابك يا رب و أثق تماماً في قوّتك و حكمتك .. عدلك و رحمتك .. صليبك و عرشك

4: النهاية

إصحاح 42



١٤٣ استرداد عائلة أيوب و ثروته



الصورة من موقع Bible Project

- أيوب قال له: يا رب أنا آسف .. خلاص فهمت و شُفت قد إيه انت عظيم :
- و ربنا سامح أيوب و عاتب أصدقائه اللي قالوا افتراء على أيوب و ماقالوش الكلام الصح عن ربنا .. و ربنا قال لهم يقدموا ذبائح و يستسمحوا أيوب و ده واضح لأن الأصدقاء الـ 3 دول قالوا كلام محفوظ قوي و بدائي و مافيهوش أي خبرة أو غمق بينما أيوب صارع الله .. صحيح كان فيه أخطاء في كلامه لكن كان مصمم يشوف ربنا و يفهم منه .. و ده الصح في التجارب
- و أيوب فعلاً سامحهم
- و ربنا بارك أيوب .. ربنا أعطاه الضعف في كل حاجة في البقر و الجاموس و الإبل ... إلا أولاده و بناته، أعطاه زيهم .. لأن أولاد ربنا ينتقلوا مش ويموتوا
- نقدر نفهم أكثر من [الوعظة دي](#)
- طبعاً دي مش أجرة لأيوب على احتماله التجربة بل نعمة و هدية من ربنا

قد علمت أنك تستطيع كل شيء، و لا يعشر عليك أمر. فمن ذا الذي يُخفي القضاء بلا معرفة؟ و لكّني قد نطقْتُ بما لم أفهم. بعجائب فوقِي لم أعرفها. اسمع الآن و أنا أتكلم. أسألك فتعلّمني. بسمع الأذن قد سمعتُ عنك، و الآن رأتكَ عيني.

أيوب 42 : 2 ل 5

- دُش قوي جداً أخذه أيوب و على طول بطل مقاومة و كلام غير حكيم .. تاب و تواضع أمام الله
- و قال الكلمة اللي كانت لازم تطلع من الأول: أسألك فتعلّمني
- و بمجرد توبته و تواضعه ربنا رفع التجربة .. تحقق الهدف منها
- و بالتالي في آخر التجربة رأى أيوب الله و تعلّم التواضع .. و ربنا ردّ له ضعف الخير اللي كان عنده .. يعني خرج كسبان 100%
- يا ترى لو سألنا أيوب في الآخر: كنت تحب تدخل التجربة .. ولا ربنا كان رفعها عنك من الأول؟ أكيد الإجابة معروفة و كل واحد فينا بيختبرها في حياته .. بس نسلم و نشق في ربنا و حكمته و محبته

نتعلّم إِيهِ؟

ربنا بتاع النهايات السعيدة .. لو بصينا على عُمر أيوب في الآخر: قد إِيهِ منه كان في التجربة و قد إِيهِ في الخير و البركة هانلاقي مافيش مقارنة .. و التجربة اتفهمت إنها تأديب حتى لا يتكَبّر أيوب فيخسر أبديته

🙏 يا رب خليني أتأكد إن وراء كل تجربة أقبّلها بصبر و شكر نهاية سعيدة و خير عظيم و ممتد .. شكّلني يا رب زي ما انت عايز أيها الفخاري الأعظم عشان توصلني معاك في الأبدية السعيدة



المراجع 📖

- TheBibleProject
- برنامج فتشوا الكتب (أبونا داود لمعي)



مدرسة شمامسة مار أفرام السرياني ©2024